

Dunia Yote Itaangazwa

Baada ya hayo nalionna malaika mwingine, akishuka kutoka mbinguni, mwenye mamlaka kuu; na nchi ikaangazwa kwa utukufu wake—
Ufunuo 18:1.

Mwisho wa mambo yote umekaribia. Mungu anaigusa kila akili ambayo imefunguliwa ili kupokea mguso wa Roho Mtakatifu. Anawatuma wajumbe wetu ili waweze kutoa maonyo kila mahali. Mungu anajaribu kujitoa kwa makanisa Yake na utayari wao katika kuonesha utii kwa uongozi wa Roho Mtakatifu. Maarifa yanapaswa kuongezwa. Wajumbe wa Mbinguni wanapaswa kuonekana wakikimbia huku na kule, wakitafuta kila njia iwezekanayo kuwaonya watu juu ya hukumu inayokuja na kuwasilisha habari njema ya wokovu kupitia kwa Bwana wetu Yesu Kristo. Kiwango cha haki kinapaswa kuinuliwa. Roho wa Mungu anaigusa mioyo ya watu na wale wanaoitikia mwito wake watakuwa nuru kwa ulimwengu. Kila mahali wanaonekana wakisonga mbele ili kuwasilisha kwa wengine nuru ambayo wameipokea kama walivyofanya baada ya kumwagwa kwa Roho Mtakatifu kwenye siku ya Pentekoste. Na kadiri wanavyoruhusu nuru yao kuangaza, wanapokea zaidi na zaidi uweza wa Roho Mtakatifu. Dunia inaangazwa kwa utukufu wa Mungu.

Ujumbe huu utahitimishwa kwa nguvu na uthabiti kuliko kilio cha usiku wa manane. Watumishi wa Mungu, wakiwa wamejazwa na nguvu kutoka juu, nyuso zao zikiangazwa na kung'aa kwa wajibu Mtakatifu, walisonga mbele ili kutangaza ujumbe kutoka mbinguni.

Wengi walikuwa wakimsifu Mungu. Wagonjwa waliponywa na miujiza mingine ilitendeka. Roho ya maombezi ilionekana kama ambavyo ilidhihirishwa kabla ya Siku kuu ya Pentekoste. Marnia na maelfu walionekana wakizitembelea familia na wakifungua mbele yao Neno la Mungu. Mioyo iliongolewa na nguvu ya Roho Mtakatifu na roho ya uongofu wa kweli ilidhihirishwa. Kila upande milango ilifunguliwa wazi ili kuhubiriwa kwa ukweli. Ulimwengu ulionekana kuangazwa kwa mvuto wa mbinguni.